


Theol



Theol. 4027

Selejovic Pauli: Quaestio theologiae de sacramen-
tis in genere.

C

D

Lux

M

PA
C

M

S.

P

IN NOMINE DOMINI, AMEN.

Q V Æ S T I O

THEOLOGICA,
DE SACRAMENTIS IN GENERE,
EX CURSU SACRAMENTALI,
Iuxta Mentem D. THOMÆ, & Commen-
tatorum eius, præcipuè Eximij Theologi,

ADAMI OPATOVII,

in Alma Univerſitate Studij Generalis Cracoviensis,

S. Th: Doctoris & Professoris, CANONICI Cracovien:

Ad Intentionem Pientiffimi CURSUS eiufdem

SACRAMENTALIS FUNDATORIS,

M. MARTINI RADIMINSKI.

*Philosophiæ Doctoris, & in eadem Alma Univerſitate Cracov:
Collegæ Majoris, Tratnoviani Professoris, Protonot: Apostolici,*

E R V T A,

& PUBLICÆ DISPUTATIONI,

PRÆSIDENTE,

M. RAPHAELE CASIMIRO

A R T E N S K I,

S. Th: Baccalaureo, eiufdemq; Cursus SACRAMENTALIS RADIMIN-
SCIANI, Professore, S. FLORIANI, Canonico, Curato Pajęcznen:

E X P O S I T A;

Argumentis in Contrarium allatis ſatisfaciente,

M. PAULO CELEIOWIC,

Philosophiæ Doctore, Novodvorskiano Grammatices Professore,

In Lectorio DD. Theologorum

Anno Domini, 1694. Die II. Julij.

CRACOVIAE, TYPIS VNIVERSITATIS.





B. IOANNES CANTIUS Polonus S.Th. in Vniuersitate
Cracouiensi Doctor et Professor Professor Secularis 1677.

Factus est Principatus, super humerum eius.
Cuius Principatus super humerum eius.

Isaia 9. c.

In hac Verba SS. Patres.

Cum ergo Dominus lignum portaret Crucis, quod in Sceptrum sibi convertat
potestatis, manifestabatur fidelibus grande mysterium, quia pulchra specie,
triumphi sui, portabat trophæum. *S. Leo Serm. 8. de Pass.*
Crux confert lætitiā Christianis ex Fide, ingerit poenam Judæis desperantibus
ex CRUCE. Illis injuria Filij DEI, æternam contulit mortem, nobis ad per-
petuam proficit salutem. *S. Aug. Tomo 10. Serm. 142. Fer: 2. Pascha. Ser: 2.*



Super hæc Sceptra CRVCIS, EPIGRAMMA.

*De Cruce gaudenti, sit opus disquirere, quid sit,
Mens sua læta? an amor? livor an ipsa Crucis?
Nam Crucis Imperium, DEVS quā Plutona triumphat,
Est posita in humeris, Sceptra timenda, DEI.
AVREA SCEPTRA pijs Hæc, oscula dulcia figunt,
Hostibus ast BACVLVS CRVX EA, dorsa quatit.*

Divinam SCEPTRORVM CRUCEM hanc feliciter tenente,
MAGNIFICO, PERILLUSTRI, & REVERENDISSIMO DOMINO.

D.M. SEBASTIANO PISKORSKI,

**J. V. Doctore & Professore, Ecclesiarum, Cathedralis Cracoviensis & Collegia-
tæ Wielunensis CANONICO, SS. Omnium Crac: ARCHIDIAcono,
Studij Almæ Vniuersitatis Cracoviensis PROCANCELLARIO,
& GENERALI RECTORE.**

QVÆSTIO

THEOLOGICA.

DE SACRAMENTIS IN GENERE.

V Septem Sacramenta Nouæ Legis, ex
 •DEI Institutione, signa Moralia, à
 signis rerum Sacrarum, tam Veteris quàm Noui Te-
 stamenti differentia, ex sensibilibus rebus & verbis,
 per modum Materiæ & Formæ coalescentia, ad-
 salutem pro hoc statu necessaria, aliqua, præter gra-
 tiam, imprimèntia Characterem, producentia suos
 effectus ex opere operato; distinctos ab effectibus ex
 opere operantis, sint causa Physica gratiæ nec ne?

CONCLUSIO I.

Septem Sacramenta Nouæ Legis, recte definiuntur sic: Sacra-
 mentum est signum Sacrum ex Dei institutione, non solum si-
 gnificans, sed etiam infallibiliter efficiens rem Sacram, sanctifi-
 cantem homines.

COROLLARIA.

- I. Errant vehementer Hæretici, mutantes quocunq; modo se-
 ptenarium Sacramentorum numerum.
- II. Septem Sacramenta Nouæ Legis, differunt inter se Materia,
 Forma, Necessitate, Iterabilitate ac Dignitate.
- III. Definitio Sacramenti prædicta, competit septem N. L. Sa-
 cramentis, ut signum rei Sacra, & formaliter, & significatiuè
 & causatiuè; Sacramentis verò Veteris Legis, tantum signifi-
 catiue futurorum septem Nouæ Legis Sacramentorum, & effe-
 ctiue etiam, sed tantum quoad aliquos effectus, non quoad
 omnes produci solitos, à septem Noua L. Sacramentis.
- IV. Res Sacra, est Differentia constituens Sacramentum esse Spe-
 ciem signi, ita, sicut rationale additum animali constituit ho-
 minem.
- V. Sacramentum, signum non naturale, sed supernaturale, est

Theoricum, simul & Practicum, quod & significat & confert gratiam.

VI. Multa eaq; varia, quamuis sint signa Sacrarum rerum, tamen non sunt Sacramenta, ita, ut nec dicantur, nec sint aliquod ex Septem N. L. Sacramentis, nisi dicantur in secunda Sacramenti significatione, de qua dicitur Timot: 3. magnum est pietatis Sacramentum, ut sunt aqua Lustralis, Columba supra Christi Domini Baptismum apparens, lingua ignea, supra Discipulos dispersita.

VII. Iuxta S. Aug. lib. 2. de Doctrina Christiana C. 1. signum est id, quod prater speciem, quam ingerit sensibus, aliud quiddam, videlicet illam ipsam rem, quam designat, facit in cognitionem venire.

CONCLUSIO II.

Septem Nouæ Legis Sacramenta, à signis rerum Sacrarum, tam Veteris quàm Nouæ Legis, differentia, talem producant gratiam, quæ addit aliquid supra gratiam virtutum & donorum.

COROLLARIA.

- I. Productio gratiæ communis in anima, est alia à gratia, per Christum D. in usu Sacramentorum constituta, specie distinctos effectus producentium, sicut ipsa etiam specie distinguuntur.
- II. Gratia Sacramentalis à gratia communiter dicta, non distinguitur realiter, ob unitatem numericam, sumptam ab unitate subiecti proximi & immediati, in quo recipitur.
- III. Illud, quod addit gratiam Sacramentalem, supra gratiam communem, non tantum esse actuale auxilium Dei, sed etiam aliquid permanenter inherens animæ.
- IV. Gratiam Sacramentalem dicimus habitualement, quæ est ipse habitus gratiæ, respectu ad peculiarem effectum Sacramenti, & actualement, quæ est speciale auxilium Dei, quod à Deo confertur, eo loco ac tempore, ubi & quando opus fuerit, idq; ex vi suscepti Sacramenti.
- V. Gratia continetur in Sacramentis, tanquam in Causa Instrumentali, & tanquam in signo.
- VI. Passio Christi Domini, Sacramentorum Veteris Legis, non erat effectrix gratiæ, & ipsorum Sacramentorum, per Abrahamum traditorum, sed solum Causa Finalis.
- VII. Gratia in Sacramentis non est tanquam in subiecto, cum Sacramentum sit causa gratiæ per se, non per accidens.

CONCLUSIO III.

Res palpabiles & verba, constituunt vnā substantiam Sacramenti cuiuslibet ex septem, ut constituit Materia & Forma vniū Compositum.

COROLLARIA.

- I. In omni Sacramento Nouæ Legis, materia remota, consistit in rebus sensibilibus, proxima verò, in usu actuali rerum sensibilibus, ad quodlibet Sacramentum adhibendarum, iuxta præscriptum in Canonibus.
- II. Non in omni Sacramento Nouæ Legis, requiritur Materia & Forma sensibilis, sed in aliquibus, sufficit locò Materia permanentis, actio aliqua externa transiens.
- III. Præter Materiam & Formam Sacramentorum, ritè adhibendam, requiritur Intentio recta Ministri, eaq. illa sola, quam intendit Ecclesia.
- IV. Intentio Ministri, in administratione Sacramentorum Virtualis, iuxta alios est sufficiens, iuxta nostrum verò Doctorem Actualis adhibenda est tanquam perfectissima.
- V. Omnes Sacerdotes curam animarum habentes, obligantur districtè ad hoc, vt debita cum Intentione, debitam Materiam, & Formam, cuilibet Sacramento propriam, adhibeant; iuxta Ritum S. R. Ecclesiæ, præscriptum, sub mortali Sacrilegij peccato.
- VI. Mutatio aut Materie aut Formæ, vel per additionem, vel per diminutionem, vel transpositionem si à Ministro Sacramenti alicuius committatur substantialiter, tunc illud Sacramentum est inualidum. Si solum Accidentaliter, tunc Sacramentum validū est, sed committitur peccatum intantum graue, in quantum maior in eo sit, vel temeritas, vel negligentia.
- VII. Sacerdos administrans quodcunq. Sacramentum, quamuis debitè debitam Materiam & Formam cum debita Ecclesiæ intentione adhibeat, si tamen præter hæc aliquam, suam peculiarem intentionem addiderit, tunc validum quidem conficit, & validè confert Sacramentum, sed peccatum committit, quantitati & qualitati prauæ intentionis correspondens.

CONCLUSIO IV.

Sacramenta Nouæ Legis, necessaria sunt pro hoc statu, cuilibet homini, licet non omnia, ad salutem æternam.

C O R O L L A R I A.

- I. *Neceſſitas Sacramentorum, conſideratur & quo ad ſe, & quo ad tempus.*
- II. *Sacramenta, non ſunt ad ſalutem aternam neceſſaria, neceſſitate absoluta.*
- III. *Sacramenta neceſſaria ſunt ex Hypotheſi, ſupponendo, quòd hac ſint inſtituta à Chriſto Domino media, obtinenda ſalutis aternæ.*
- IV. *Ante peccatum primorum Parentum, non erant neceſſaria ulla Sacramenta.*
- V. *Tempore Legis Naturæ, non erant neceſſaria Sacramenta, ſed obedientia Legi naturali ſufficiebat, pro ſignis Sacrarum rerum, hominem ſanctificantibus, in virtute tamen obedientiæ, à vero Meſſia Chriſto Domino, præſinitis temporibus, pro toto genere humano, adimplenda.*
- VI. *In Lege Naturæ, pro infantibus, conueniens eſt, à Deo datum fuiſſe modum aliquem, quo veluti aliquo Sacramento, morientes Infantes, ab Originali peccato eſſent liberi: ut S. Auguſt. ait Lib: 5. contra Iulianum C. 9. Non eſt credendum, ante Circumciſionem, ſervulos Dei (quandoquidem illis inerat fides Mediatoris in carne venturi) nullo Sacramento eis fuiſſe opitulatos paruulis.*
- VII. *Tempore Legis ſcriptæ, ab Abraham ad Moysen, à Moysè ad Natiuitatem Chriſti Domini, neceſſaria erant aliqua Sacramenta & figura, diſtinctius præſcripta à Deo, ad ſanctificandos homines, & ad figuranda Nouæ Legis perfectiſſima Sacramenta.*

C O N C L U S I O V.

Baptiſmus, Confirmatio, & Ordo, præter ſignificationem & collationem gratiæ, imprimunt characterem in anima.

C O R O L L A R I A.

- I. *Hæretici negentes imprimi Characterem in anima, à prædictis Sacramentis, nulla ratione ducti, ſola temeritate agitantur.*
- II. *Character eſt qualitas ſupernaturalis absoluta, Spiritualis & indelebilis ab anima.*
- III. *Character Sacramentalis, reponitur in Prædicamento Qualitatis, eiꝝqꝫ ſpecie, quæ eſt Potentia.*
- IV. *Potentia iſta, non eſt naturalis, ſed ſupernaturalis, neqꝫ ad naturales actus, ſed ad ſupernaturales, ordinata, eſtqꝫ non ſimpli-*

simpliciter Potentia, sed instrumentaliter, cum ex se absolute, non habeat actionem, sed ex principali agente.

V. Character Sacramentalis, non est Relatio rationis contra non-nullos, sic asserentes.

VI. Character Sacramentalis, non est ita quid reale, ut sit Relativum, eumque dicere esse Ens rationis est Hereticum.

VII. Character subiectatur in essentia anima, tanquam in subiecto remoto, in Intellectu vero, tanquam in subiecto proximo.

CONCLUSIO VI.

Septem Sacramenta Nouæ Legis, producant suos effectus, ex opere operato, distinctos ab effectibus, ex opere operantis.

COROLLARIA

I. Displicet sententia tenens, quod Sacramenta Nouæ Legis, producant suos effectus, non operando, sed quod Deus ipse solus, in anima hominis operetur; adhibitis tantum Sacramentis. nam sic nec essent signa, nec signata simul, nec propterea differrent à Sacramentis Veteris Legis.

II. De Fide est, & oppositum tenere, est Hereticum: Sacramenta Nouæ Legis, verè & propriè producere suos effectus, non principaliter, sed instrumentaliter.

III. Effectuum Sacramentalium productio, ex opere operato, non est creatio.

IV. Effectus isti Sacramentales & gratia, educuntur de potentia obedienciali Creatura.

V. Quamvis in multis Scripturæ Locis, dicatur gratia creata, & noneducta de potentia obedienciali Creaturæ; id tamen dici non ideò, quia ex nihilo producat, sed ideò, quia per gratiam homines in nouo esse constituuntur, ex non ente, tanquam ex nihilo.

VI. In Veteri Lege, quicumque fuerant iusti, fuerunt non per Sacramenta Veteris Legis, ex opere operato, sed per actum fidei de futuro Messia, Christo Domino: quæ iustitia erat illis ex opere operantis.

VII. Gratia Sacramentalis ex opere operato, ideo differt à gratijs ex opere operantis, quia addit quoddam Diuinum auxilium, ad consequendum finem Sacramenti, distinctum à gratia communiter dicta.

CONCLUSIO VII.

Septem Sacramenta Nouæ Legis, sunt Causa Phyfica, verè & propriè productiua gratiæ.

COROLLARIA.

- I. *Ista causalitas, verè & propriè productiua gratiæ, est, non ex proprietate naturali rei sensibilis, sed ex Diuina institutione, tanquam Dei instrumentum.*
- II. *In Sacramentis continetur gratia, tanquam in causa instrumentali. est de Fide, & tanquam in signo signatum. Neq; tanquam in Causa principali, neq; tanquam in subiecto subiectatum.*
- III. *Gratia, neq; continetur in Sacramentis tanquam in Causa Vniuoca, neq; tanquam in causa Æquinoca.*
- VI. *In Sacramentis contenta virtus effectrix gratiæ, est motus ipse passiuus, ab agente principali, nempe à Deo receptus.*
- V. *Virtus Sacramentorum, effectrix gratiæ Sacramentalis, est ex eo, quòd Christus Dominus operatus sit salutem nostram, Primò. Efficienter, inquantum humanitas unita Diuinitati, erat instrumentum omnium, pro salute humana consummatorum, 2dò. Meritoriè, nam ille solus potuit de condigno, & de rigore omnibus mereri. 3tiò. Satisfactoriè, effundendo Sacratissimum sanguinem, pretium nostræ salutis.*
- VI. *Sacramenta Veteris Legis, neq; per seipsa, neq; ex Passione Christi habuerunt vim causandi gratiam iustificantem.*
- VII. *Hæc virtus in Sacramentis, causans gratiam iustificantem, tunc incipit esse, quando motus inchoatur Sacramenti, desinit esse, quando motus etiam desinit.*



ro-

non

tio-

ru-

an-

um.

usa

ipfe

ex

mo.

in-

dò.

o-


um

one

em,

init

Biblioteka Jagiellońska



stdr0016716

Étymologie de l'Alphabet
Spécimen d'écriture de l'Alphabet